



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბახუტაშვილ-შულგინა ოლღა ალექსანდრეს ასული



ბახუტაშვილ-შულგინა ოლღა ალექსანდრეს ასული (13. II. 1879, ქუთაისი, – 28. V. 1950, თბილისი), მომღერალი (სოპრანო). საქართვე. სახ. არტისტი (1941), თბილ. სახელმწ. კონსერვ. პროფესორი (1921). ქართ. ვოკალური სკოლის ერთ-ერთი ფუძემდებელი.

ვოკალის ხელოვნებას ეუფლებოდა ე. რიადნოვთან. მისი დებიუტი შედგა თბილ. საოპერო სცენაზე (29. XII. 1901, ლიზა პ. ჩაიკოვსკის „პიკის ქალი“). მეცადინეობა განაგრძო პეტერბურგში, პარიზსა და მილანში. წლების მანძილზე მოღვაწეობდა მოსკოვში (1902 – 04), კიევში (1904 – 06), ოდესაში (1906 – 10), 1917 – 27 – კვლავ თბილ. საოპერო სცენაზე. ბ.-შ. იყო ეთერისა (ზ. ფალიაშვილის „აბესალომ და ეთერი“) და გულჩინას (დ. არაყიშვილის „შოთა რუსთაველი“) როლების პირველი შემსრულებელი. თბილ. საოპერო თეატრის სცენაზე შეასრულა სოპრანოს მრავალი პარტია: ტატიანა, ლიზა, იოლანტა, მარია (პ. ჩაიკოვსკის „ევგენი ონეგინი“, „პიკის ქალი“, „იოლანტა“, „მაზეპა“), თამარი (ა. რუბინშტეინის „დემონი“), აიდა (ჯ. ვერდის „აიდა“), ბატერფლავი (ჯ. პუჩინის „ჩიო-ჩიო-სანი“) და მრავალი სხვა.

ბ.-შ. პირველი ქართვე. მომღერალი ქალია, რ-საც მიენჭა საქართვე. სახ. არტისტის წოდება. იგი ერთ-ერთი პირველი ქართვე. პროფესორია ვოკალის დარგში. მისი მოწაფეები (ე. სოხაძე, ნ. ცომაია, პ. ამირანაშვილი, მ. ნაკაშიძე, გ. გოგიჩაძე, მ. ყვარელაშვილი, ლ. გოცირიძე, პ. თომაძე და სხვ.) წარმატებით მოღვაწეობდნენ საოპერო თეატრებსა და

საკონცერტო ესტრადაზე. ბ.-შ. ავტორია სამეცნ.-მეთოდური ხასიათის ნაშრომებისა: „ვოკალური პედაგოგიკის ცდა. ბგერის დასაყენებელი ყოველდღიური სავარჯიშოების კრებული“, „კადენციები და მელიზმები“ (1940), „ვოკალიზები მაღალი ხმისათვის ქართულ ხალხურ თემებზე“ (1942).

ლიტ.: მჭედლიძე დ., ქართველ მომღერალთა სამი თაობა, თბ., 1968; Бахуташвили Н., Ряднов, Бахуташвили-Шульгина, Вронский. Очерки по истории вокального образования в Грузии, Тб., 1959.

მ. გედევანიშვილი
